

LESEDINYANA



Sekolo sa Hotele: Lefapha la Botsamaisi ba Kamohelo ya Baeti Pampiri ya Ditaba tsa 2024/2025



Ho tswa Tafoleng ya Hlooho ya Lefapha

Nka kopi ya hao ya kofi - kapa kgalase e tshetseng veine - mme o ikgatholle ha monate ka ho bala phatlalatso ena ya Ditaba tsa Sekolo sa Hotele CUT. Re nka motsotso ho lekola sehla se tšileng ka sekgahla, matla, sepheo, le boikgantsho. Sehla sena e bile nako ya diketsahalo tse thabisang moo basebetsi ba rona ba nang le boitelo, ba rupelletseng baithuti ka tsebo le morolo o hlokehang indastering e matla ya kamohelo ya baeti.

Re bile le monyetla wa ho fumana tsebo le ho fana ka yona. Tsena re di fihlelletse ka bokgabane ba basebetsi ba rona dithutong, mmoho le ho amohela setjhaba sa baphehi le ho sebedisana mmoho le barutwana ba dikolo le setjhaba ka kakaretso.

Mona re babatsa mosebetsi o makgethe, tshebedisano mmoho le boqapi bo etsang Sekolo sa Hotele CUT se itlhome pele.

Bala ha monate!

Dr Dalene Crowther



01 DIKOLO TSE PHAHAMENG DI AMOHETSWA SEKOLONG SA HOTELE CUT

Ka la 19 Phupu 2024, Sekolo sa Hotele CUT se ile sa amohela sehlopha sa baithuti ba tswang sekolong se Phahameng ...

Bala ho feta mona
leqepheng la 2

02 Sekolo sa Hotele sa CUT se Etsa Dipontsho tsa Dijo Tsa Taiwan

Ka Labohlano la 20 Lwetse 2024, Sekolo sa Hotele CUT se bile motlotlo wa ho thabisa baeti ka phapanyetsano ya botjhaba le tsebo ya dijo moketeng wa Matjhaba wa ...

Bala ho feta mona
leqepheng la 3

03

Seboka sa Baphehi ba Foreisetata sa Lesedi ka 2024: Ho Ketekwa hwa Lerato la Mopheho

Sekolo sa Hotele sa CUT,
ka kopanelo le Mokgatlo wa
Aforika Borwa wa Baphehi
ba Komiti ya Foreisetata, ba
tshwere

Bala ho feta mona
leqepheng la 3

04

HO SEBELETSA SETJHABA

Ho ema Mmoho: Thuto e
Kgutshwane ya Ho Baka
Borotho e Matlafatsa Babaki...

Bala ho feta mona
leqepheng la 4

06

Kamohelo ya Baeti Kgabong: Basebetsi Ba Ntlo ya Baeti Ba Ntlafatswa Ka Kwetliso ya Sekolo sa Hotele sa CUT

Bala ho feta mona
leqepheng la 6

DIKOLO TSE PHAHAMENG DI AMOHETSWE SEKOLONG SA HOTELE CUT

Barutwana ba Dikolo tse Phahameng ba Inwesa ka Nkgo

Ka la 19 Phupu 2024, Sekolo sa Hotele CUT se ile sa amohela sehlopha sa baithuti ba tswang sekolong se Phahameng sa Curro Bloemfontein, ba etsang Thuto ya Boreki. Baithuti bana ba sehlopha sa 10 ho fihlella ho sa 12, ha mmoho le titjhare ya bona Mofumahadi Thelma Crae, ba ile ba amohelwa ka matsoho a mofuthu mme ba iponela ka setotswana lefatshe la kamohelo ya baeti.

Ka tshebedisano le Mofumahadi Grethe Muller, letsatsi lena le qadile ka phano ya kakaretso ya ditsamaiso tsa ka mehla sekolong sa kamohelo ya baeti. Monghadi Martin Chokoe le Mofumahadi Lize Louw, ba fane ka tlhahiso e fupereng tsebo mabapi le ditsamaiso tsa Lefapha la Tlhokomelo. Bobedi bona, bo ile ba toboketsa bohlokwa ba ho fa baeti phihlello e ikgethang.

Ka ho tswelapele, Monghadi Frans Masuku o ile a bontsha barutwana hore thuto ya Dijo le Dino e phethahatswa jwang, mme a ba fa monyetla wa ho latswa masutsa a tswang ditshebeletsong tsa restjhirente.

Qetellong, Moapehi Tristan o ile a theha kakamelo ka ho bontsha hore quiche e bonolo ya meroho, ebile e le monate, e etswa jwang. Dipotso tse ileng tsa latela ho tswa ho baithuti ka pososelo, di ile tsa bontsha hore pontsho ena e fehile kgothatso thutong ena. Ketelo ena ha e a bontsha feela dikateng tsa dithuto tsa Sekolo sa Hotele CUT, empa e butse baithuti mahlo le ho ba lemosa ka menyetla e fapaneng e fanwang ke indasteri ya kamohelo ya baeti.



Senepeng: Baithuti ba sehlopha sa 10,11, 12 ba Sekolo se Phahameng sa Curro le Basebetsi ba Sekolo sa Hotele sa CUT. (Moleng wa bobedi, mahareng) Mophehi T Rogers le Mof L Louw (Motsamaisi wa ECP), Mong F Masuku le Mong M Chokoe (Bathusi ba Barupelli). Pontsho ya Mophehi T Rogers

Sekolo sa Hotele sa CUT se Etsa Dipontsho tsa Dijo Tsa Taiwan

Ka Labohlano la 20 Lwetse 2024, Sekolo sa Hotele CUT se bile motlotlo wa ho thabisa baeti ka phapanyetsano ya botjhaba le tsebo ya dijo moketeng wa Matjhaba wa Ketelo ya Thuto ya Mopheho wa Taiwan. Mokete ona o ne o hlophisitswe ke Lekgotla la Matjhaba la Ditaba tsa China mmoho le Lekgotla la Kgwebo la Taiwan le Foreisetata. Mokete ona o bohlokwa, o tlisitse tatso e hlabosang ya Taiwan bohareng ba Bloemfontein.

Moketeng ona, ho ne ho na le dikgalala tse pedi tse tummeng haholo sedikadikweng sa mopheho, e leng Mophehi Zhang Keqin mmoho le Mophehi Lu Kaiyuan. Bobedi bona bo tumme haholo le ho babatswa ka boqhetseke ba bona le boiphihlelo. Ketelo ena e hohetse baeti ba ka bang 150, ho kenyelletsa baithuti ba baholo le ditho tsa setjhaba sa lehae tsa Taiwan.

Presidente ya Lekgotla la Kgwebo la Taiwan le Foreisetata, Monghadi Chen Zhimin, o butse mokete ka ho hlakisa bohlokwa ba botjhaba le dijo tsa Taiwan. O itse o na le tshepo ya hore leeto lena la thuto le tla sibolla thahasello e tebileng le kananelo ya mopheho o tebileng wa dijo tsa Taiwan hara MaAforoki Borwa.

Baphehi bana ba kgadisitse baeti ka ho pheha dijo tsa setso tse kang Tainan Fucheng shrimp spring rolls, samentjhisi ya bohohoholo ya lobster, kgoho ya Zuo Zongtang e tummeng, mmoho le reisi ya mashrumu wa sesame o monko monate. Se bileng sehlohlolong ke ha ne ba pheha kgoho e kgabetsweng ya lero la lamunu, moo ba bontshitseng tshebediso ya makgabane a ikgethileng hofihlella metswako ya dijo tsa Taiwan ka tshebediso ya dinoko tsa lehae.

Ho feta moo, baithuti ba Sekolo sa Hotele ba nkile monyetla wa ho una molemo le tsebo ka ho thusetsa mme ba hlophisa le ho tsholela baeti dijo.

Baphehi Zhang Keqin le Lu Kaiyuan ba bontshitse makgabane a bona a ho pheha ho baithuti le Barupelli ba Lefapha la Kamohelo ya Baeti la CUT moketeng wa phapanyetsano ya tsebo ya ho pheha pakeng tsa Taiwan le Aforika di fihla Bloemfontein, Porofenseng ya Foreisetata.



Seboka sa Baphehi ba Foreisetata sa Lesedi ka 2024: Ho Ketekwa hwa Lerato la Mopheho

Sekolo sa Hotele sa CUT, ka kopanelo le Mokgatlo wa Aforika Borwa wa Baphehi ba Komiti ya Foreisetata, ba tshwere seboka se atlehileng ka la 22-23 Phato 2024.

Mokete ona o morolo wa matsatsi a mabedi, o ne o etseditswe ho tsosolosa lerato, tlhokomediso, le ho bontsha dikateng tse fetofetohang tsa lefatshe la kamohelo ya baeti le bonono ba ho pheha. Ho tloha dipontshong tsa ho pheha, ho ya dipuisanong tse hlwahlwa, seboka se fane ka sethala sa ho kopanya baphehi ba thuthuhang mmoho le ditsebi tsa indaseteri molemong wa ho ba ruta le ho ba kgothatsa.

Letsatsi lena le neng le tletse ka dipontsho tsa dijo mmoho le ditsebi tsa ho pheha, le kgahile babohi ba batjha dilemong, ba bileng ba kopantswe ke lerato la dijo le tsebo ya baeti. Ba bileng teng, ba hlahlobile ketsahalo tsa sejwalejwale, ba arolelana maano, le ho bua le ditsebi tse abelaneng ka tsebo e ba e ruileng leetong la bona.

Continued on next page ...

Ba bileng ka sehlohlolong sa mokete, ke dikgalala tsa ho pheha e leng Seapehi Catherine Adonis le Seapehi Matthew Foxon ba tswang Hoteleng ya Saxon. Dipontsho le bokgabane ba bona ba ho pheha di ne di sa kgahle mahlo feela, empa di ne di kgothatsa mme tsa siya babohi ba maketse.

Morero wa mantlha wa mokete ona e ne e le ho kgothatsa, ho ruta le ho hokahanya. Ruri morero ona o ile wa phediswa nakong ya matsatsi ana a mabedi, mme sena se tobokeditse seabo sa Sekolo sa Hotele sa CUT sa ho itlhomapele ka boqapi le bokgabane ba ho amohela baeti porofenseng ya Foreisetata.



Seapehi Deon Pastor. Modulasetulo wa Mokgatlo wa Diaphehi tsa Aforika Borwa Lebatoweng la Foreisetata.



Mong Pieter van Rooyen (hlakoreng le letona) o amohela kgau ya kananelo mabapi seabo sa hae sa dilemong tse fetileng indasetering ya Kamohelo ya Baeti le Mopheho Lebatoweng la Foreisetata.



Seapehi Catherine Adonis: Seapehi sa Sehlooho sa Hotele ya Saxon se bontshahatsa sejo sa tjhokolete.



HO SEBELETSA SETJHABA

Ho ema Mmoho: Thuto e Kgutshwane ya Ho Baka Boroitho e Matlafatsa Babaki

Ho tloha ka la 13-14 Phato 2024, monko o foreshe wa boroitho le monyetla o ile wa aparela moya wa Yunivesithi e Bohareng ya Thekenoloji, Foreisetata. Sena se etsahetse ka lebaka la selekane sa ho fana ka thuto ya ho baka nakong ya matsatsi a mabedi, se bileng teng pakeng tsa CUT le Lefapha la Moruo, Ntlatfatso ya Kgwebo tse Nyenyane, Bohahlaodi le Ditaba tsa Tikoloho (DESTEA) mmoho le kgwebo ya Lelwala le Dijo tsa Diphoofolo e bitswang iTau.

Boiteko bona ba phithisetsano ya tsebo/bokgoni bo ne bo reretswe ho thusa le ho ntlafatsa dikgwebo tse nyenyane lekaleng la ho baka, ka ho tsepamisa mohopolo ntlafatsong ya bokgoni le tsamaiso ya kgwebo ena. Dikgwebo tse 30 ho tswa seterekeng sa Mangaung le Xhariep di nkile karolo lenaneong lena le matla.

Barupellwa ba fuwe kwetliso ya matsoho ya ho etsa bohobe, ha mmoho le dithuto tse bohlokwa tsa boleng, bophelo bo botle le polokeho, le tsamaiso ya kgwebo – e leng disebediswa tse bohloka molemong wa ntlafatso, boleng ba sehlahiswa, le kgotsofalo ya bareki.

Continued on next page ...

Sena ha se thuto feela, empa morero ona o bontsha mohato wa ho matlafatsa moruo wa lehae le ho nnetefatsa hore setjhaba sa lehae se fumantshwa dihlahiswa tse bakuweng tsa boleng bo hodimo ebile di kgoneha. Monka karolo ka mong ha a tsamaya feela ka tsebo e ntjha le thuto, empa o tsamaile a tshwere lengolo la phethelo.

Tshebedisano ena e atlehileng e totobatsa matla a theho ya selekane le ntshetsopele ya moruo, le ho tshehetsa kgolo ya dikgwebo tse nyenyane tse thuthuhang.



Kamohelo ya Baeti Kgabong: Basebetsi Ba Ntlo ya Baeti Ba Ntlafatswa Ka Kwetliso ya Sekolo sa Hotele sa CUT

Ka letsatsi le reretsweng kgudiso le ntlafatso ya bokgoni, Mofumahadi Mantsho Mokorotlo - eo e leng monga dikgwebo tse mmalwa ka hara Bloemfontein tse kenyelletsang Ntlo ya Baeti e bitswang Relekane, Ehrlich Park Logde, le lehae la baeti le bitswang Morning Flair – o file basebetsi ba hae monyetla wa ho rupellwa ke ditsebi tsa Sekolo sa Hotele sa CUT.

Mofumahadi Palesa Mosikatsana o ile a tsepamisa maikutlo bohlokweng ba dijo le dino, ho kenyelletsa tokiso ya tafole e jellang, tokiso ya seteishene se ka thoko, le phano ya ditshebeletso tse hlwahlwa. Basebetsi ba ile ba rutwa ka dikateng tsa kamohelo e mofuthu ya baeti, ho kenyelletsa bokgoni ba tshebedisano mmoho molemong wa ho fa baeti phihlello e mofuthu.

Ka ho ipapisa le boitlamo bo entsweng ke Sekolo sa Hotele ba ho sebeletsa setjhaba, diketsahalo tsa letsatsi lena di ne di hlabolla le ho kgothatsa. Baeti ba ile ba thola monyetla wa ho bona restjhurente, bara, le disebediswa tsa kitjhini mme ba qetela ka ho ja dijo tse hlabosang tsa restjhurente ya Solarium. Mofumahadi Mokorotlo o thoholeditse morero ona ka ho leboha Sekolo sa Hotele ka boitelo ba sona ba ho fana ka thuto ya boleng e matlafatsang dikgwebo tsa lehae le basebetsi. Sena e bile tshebedisano mmoho e molemo, e totobatsang bohlokwa ba thuto e tswellang pele lekaleng la kamohelo ya baeti.



Hlakoreng le letshehadi: Mof Palesa Mosikatsana (Morupelli wa Thuto tsa Kamohelo ya Baeti) mmoho le Mof Mantsho Mokorotlo (Mmakgwebo wa Bloemfontein).

Dikgalala: Dikgau tsa Tlhompho Tsa Sekolo sa Hotele di Keteka Bokgabane ka 2024

Mantsibuweng a la 21 Phato 2024, Sekolo sa Hotele sa CUT se bile le mokete wa selemo ka seng wa Dikgau tse Hlomphehileng moo ho thoholetswang katleho, talente, le mosetsi o thata wa baithuti lekaleng la Kamohelo ya Baeti. Mokete ona o lemohile baithuti ba ipabotseng dithutong le mosebetsing wa bona mafapheng a fapaneng a lekala la kamohelo ya baeti. Ntle le ho ba letsatsi la phano ya dikgau, e bile nako ya thoholetso e matla ya boitelo, kgolo, le bokamoso bo tjabileng ba indaseteri ya kamohelo ya baeti Aforika Borwa.

Moya wa baithuti o ne o tletse ka motlotlo nakong eo baithuti ba tlotswang dikgethong tse hlophang Moithuti ya Hlwahlwa Mophehong, Moithuti ya Hlwahlwa Dijong le Dinong, le kgau e tsekwang ya Lenqosa la Sekolo sa Hotele – kgau ena e fuwa moithuti eo e leng mohlala ka ho ipabola makgabane dithutong, ketapeleng, le ho ba profeshenale.

Moketene ona o bontshang boitlamo ba Sekolo sa Hotele ba ho hlahisa baithuti ba rupelletseng ka nepo, o ne o etetswe ke ditho tsa lekala la thuto, ditho tsa indaseteri, mmoho le ditho tsa malapa. Moamohedi ka mong o bontshitse se fetang talente ya thuto – ba bontshitse mamello le bokgoni ba ho sebedisa thuto ya bona setjhabeng.

Sekolo sa Hotele se tswelapele ho hlahella ka mahetla dithutong le phanong ya kwetliso ya matsoho e hlwahlwa. Keteko ya diphihlollo tsena ke sesupo sa hore barupelli ba sekolo le thuto ya sona ya maleba, di etseditswe ho ntlafatsa baithuti hore ba phomelle lekaleng le fetohang la kamohelo ya baeti.

Ha bosiu bo nwelella, ho ile hwa totobala hore bokamoso ba lekala la kamohelo ya baeti le diatleng tse bolokehileng.



Ho tloha CUT ho ya Matjhabeng (le ho kgutla): Helena van der Linde o Qoqa ka Leeto La Hae La Kamohelo Ya Baeti

Sekolo sa Hotele CUT se sa tswa amohela emong wa leloko - e leng Helena Bernadien van der Linde, ya neng e le moithuti wa mehleng, mme mosebetsi wa hae wa mo tsamaisa lefatshe ka bophara pele a kgutlela lapeng.

Helena o fumane lengolo la Dipoloma la Botsamaisi le Kamohelo ya Baeti, mme a kgutla ho tla arolelana pale le tsebo ya hae e le Moruelli wa Moeti Sekolong sa Hotele CUT. Leeto la hae haesale a tloha CUT, e bile ntho e makatsang.

O qadile mosebetsi wa hae ka ho thusa ho theha le ho laola sehlopha se setjha sa restjhurente porofenseng ya Leboya Bophirima. Ka morao ho moo, a nka seabo mosebetsing wa naha Unilever (Ola) e le Mookamedi a Motjha wa Ntshetsopele ya Kgwebo. Moo teng, o ile a etsa lenane la dijo tse theolelang bakeng sa dibaka tsa phomolo tse ka sehloohong, direstjhurente, le mabenkele a kofi – a kopanya boiqapelo le maano a kgwebo.

Continued on next page ...

Mosebetsi wa matjhaba wa Helena o qadile ha a ne a sebeletsa ski resort e babatswang ke Forbes ka dinaledi le ditaemane tse 5, e tholahalang Utah, USA . Sena se etsahetse ka lebaka la phumantsho ya hae ya J1 visa ya dikgwedi tse 12, mme ke ka moo a ileng a fumana phihlelo ya boemo bo phahameng ba ho amohela baeti sebakeng seo sa boiketlo. Ha a kgutlela Aforika Borwa, o ile a thusa ho theha restjhurente e nngwe porofenseng ya Kapa Bophirima pele a kgutlela U.S nakong ya dilemo tse tharo. Moo teng, o ile a sebetsa dihlopheng tse phahameng tsa Platinum Country tse Florida le New York tlasa visa ya H2B. Mona o ile a ntlafatsa tsebo ya hae ya bokgabane ba phano ya ditshebetso le ditebello tsa baeti ba lefatshe.

Ka mora mosebetsi wa ho ba molaodi wa ntlo ya maemo ya baeti e Bloemfontein, Helena o ile a kgutlela U.S moo a sebetsang teng ha jwale e le Seapehi se ipabolang seteisheneng se seng le se seng sa à-la-carte le banquet. Pale



ya Helena ke e ikamahanyang le boitlwaetso, takatso, le lerato. Thuto ya hae e file baithuti pono ya sebele e kgothatsang mabapi le menyetla e fapaneng e tholahalang indasetering ya kamohelo ya baeti – ho tloha maanong a kgwebo le ho ja ka makgethe, ho ya boithabisong ba matjhaba. Sekolo sa Hotele CUT se bile motlotlo ho tshwara lenaneo lena le rutang, le siileng baithuti ba dumaela ke dipotso le kgothatso. Leeto la Helena ke bopaki ba nntete ba hore motheo o matla wa thuto o ka isa motho hokae.

Maikutlo a Setsebi: Mofumahatsana Tlaleng Mofokeng O Kgothatsa Batsamaisi Ba Mekete ba Ka Moso



Ka la 02 Lwetse 2024, baithuti ba selemo sa boraro Lekaleng la Botsamaisi ba Kamohelo ya Baeti Sekolong sa Hotele CUT, ba bile le monyetla wa ho ba teng Thutong ya Moeti e hlophisitsweng ke mokaubere wa indaseteri Mofumahatsana Tlaleng Mofokeng, e le karolo ya serutwa sa bona sa Botsamaisi ba Kamohelo ya Baeti le Mekete.

Mofumahadi Mofokeng o tlisitse letlotlo la tsebo e etsehang le tjheseho ka phaposing hobane e le mothehi wa Lenane Events (Pty) Ltd, e leng kgwebo e ithorisang ka boiphihleno ba dilemo tse fetang 25 tsamaisong ya diporojeke le mekete. Sehlooho sa puo ya hae e leng “Botsamaisi ba Mekete le Diporojeke”, se bile le temohiso le kgothatso, sa fa baithuti monyetla wa ho ithuta ka dikateng tsa moralo wa mekete e meholo.



Ka ho hlaka le bokgabane, o ile a hlakisa mekgahlelo ya tsamaiso ya diporojeke le mekete, a totobatsa seabo sa bohlokwa sa mookamedi wa diporojeke le maano a tlang katleho ya mekete e meholo. Ka tshebediso ya boiphihlelo ba hae, o ile a fana ka mehlala, diphepetso, le dithuto tseo a teaneng le tsona - a ba a bebofatsa mathata a bang teng indasetering ya mekete ka ho a amahanya le diketsahalo tse thabisang.

Se ileng sa ama baithuti ruri ke bokgoni ba mofumahatsana Mofokeng ba ho tliša kgopolo nneteng, le ho fana ka lesedi mabapi le menyetla ya mesebetsi ka hara indaseteri ya mekete – ho tloha mesebetsing ya kgwebo le mekete, ho ya dihlahisweng tsa lefatshe. Ketelo ya hae e ne e se ya thuto feela, empa e ne e le e kgothatsang. Sekolo sa Hotele CUT se bile motlotlo ho amohela setsebi se nang le tjheseho le katleho e jwalo, mme re lebelletse tshebedisanommoho le Mofumahatsana Mofokeng ha re tswelapele ho kopanya thuto ya phaposing le diketsahalo tsa lefatshe la nnete.

Ho tloha Saxon ho ya CUT: Barupelli Ba Baeti Ba Abelana Ka Tatso Le Talente

Baithuti ba Sekolo sa Hotele CUT ba fuwe thuto ya moeti e kgothatsang ho tswa ditsebing tse pedi tse ikgethang tsa hotele e tummeng ya Saxon, Villas & Spa ka la 22 Phato 2024. Baeti bana e bile Monghadi Lloyd Jusa (Hlooho ya Bafani ba Veine le Mookamedi wa Lenaneo la Veine) le Seapehi Catherine Adonis (Seapehi sa Pastry Sous).

Puo ya Monghadi Jusa e bitswang “Ho Senola Bonono ba Bafani ba Veine: Menyetla ya Pitso Kamohelong ya Baeti”, e butse baithuti mahlo ho feta ditshebeletso tse tlwaelehileng tsa phano ya veine. O ile a ikakgela ka setotswana seabong se fetohang sa bafani ba veine, a arolelana leeto la hae le ho totobatsa ditsela tse ikgethang tsa mosebetsi wa ho fana ka dino, ntshetsopele ya lenaneo la veine, le ho amohela baeti ka mofuthu. Tsebo ya hae e tebileng le tjhebo ya lefatshe, di siile baithuti ba na le kananelo e ntjha ya bonono le botle ba ho sebetsa ka kgalase.

Ya ba ho latela qetello e monate – Seapehi Catherine Adonis o ile a thabisa baithuti ka lerato la hae le leholo la ho etsa dikuku le tjhokolete. Ka boiphihlelo bo fetang dilemo tse 12, o etella pele kitjhene ya Saxon ka boqhetseke le nepo. Puo ya hae e fane ka temoso ya moraorao ya bophelo ba ka kitjheneng ya maemo a hodimo, ho kenyetsetsa le mosebetsi o boima wa ho etsa tjhokolete – mme disampole tse monate tse jowang ne di le teng.

Molaetsa oo ditsebi ka bobedi di o siileng o ne o hlakile ebile o le matla: lerato le ho sebetsa ka thata ke dipilara tsa katleho.

Sekolo sa Hotele CUT se motlotlo ka ketelo ya baetapele bana ba indaseteri ba ipabolang, mme se lebelletse tswelopele e matla ya kamoso e hokahanyang baithuti le lefatshe le ka ntle ho phaposi ya borutelo.



Mong Lloyd Jusa (Hlooho ya Bafani ba Veine le Mookamedi wa Lenaneo la Veine)



Seapehi Catherine Adonis (Seapehi sa Pastry Sous)

Thuto ya Baeti: Molao Wa Kamohelo Ya Baeti Le Tekatekano Ya Mosebetsi

Ka la 02 Mphalane 2024, baithuti ba thuto ya Molao wa Indaseteri ya Kamohelo ya Baeti ba bile le monyetla wa ho amohela Mofumahadi Elsie Louw bakeng sa ho fana ka thuto e lemosang ya moeti mabapi le Tekatekano ya Mosebetsi. Mofumahadi Louw, ke mmuelli wa molao a nang le boiphihlelo ba dilemo tse fetang tse robedi, mme ha jwale, o sebetsa Lefapheng la Basebetsi khamphaning ya maqwetha a Lovius Block.

Tsebo ya hae e akaretse ditaba tse ngata tse fapaneng tsa molao wa basebetsi, ho kenyetsetsa dikonteraka tsa mosebetsi, dinyewe tsa kgalemo, ditherisano, le dinyewe. Baithuti ba kgahlilwe ke temoso ya hae le mehlala ya sebele e ileng ya tlisa mathata a tekatekano a teng mosebetsing nneteng.

Ntle le tshebetso ya hae ya molao, Mofumahadi Louw o kenya letsoho mosebetsing ona ka ho ba setho sa Komiti ya Diphuputso ya Lekgotla la Tshebetso ya Molao. Mona ke moo a matlafatsang pono ya hae mabapi le Ditaba tsa boitshwaro le tsa taolo.

Ketelo ya hae e ne e se ya thuto feela, empa e ne e kgothatsa, e fa baithuti pono ya bohlokwa ya lefatshe la molao wa basebetsi le seabo sa ona indasetering ya kamohelo ya baeti.

Senepeng: Baithuti ba baholo ba Sekolo sa Hotele, Mof G Muller (Morupelli) le Mof E Louw (Morupelli wa Moeti)



Tshehetso ya ECP: Ntlafatso ya Baithuti ba Selema sa Pele

Ka la 18 Mphalane 2024, Lekala la Mahlale a Botsamaisi la Yunivesithi e Bohareng ya Thekenoloji, le tshwere kopano e kgothatsang bakeng sa baithuti ba selema sa pele ba ingodiseditseng Lenaneong le Atolositsweng la Kharikhulamo (ECP). Ketsahalo ena e ne e reretswe ho matlafatsa boitshepo ba baithuti, ho kgothaletsa bokgabane dithutong, le ho kgothaletsa kgolo ya botho.

Kopano ena e ne e kenyelletitse dibui tse fapaneng tse tswang yunivesithing le indasetering tse kang:

- Monghadi Tshepo Mothudi – Mohlanka e Moholo wa Dikotsi
 - Monghadi B Police – Mohlanka e Moholo wa Mohlahlobi
 - Ms Leandi Steenkamp – Morupelli e Moholo wa Akhaonting
 - Monghadi Skibane – Motlatsi wa Nakwana wa Motsamaisi: Ditlahlobo tsa ka Hare
 - Mofumahadi Victoria Koma – Morupelli wa Akhaonting le Ditlahlobo
- Ditlahloso tsa bona tse ntsweleng, di file baithuti tataiso ya bohlokwa mabapi le ho rarolla diphephetso tsa thuto le ho itokisetša kotleho. Sehlohlolo sa kopano ena e bile bopaking bo tswang pele ba Mofumahadi Mbazo, moithuti wa selema sa bobedi wa ECP ya ipabolang ka thuto ya Akhaonting le Ditlahlobo. O buile ka leeto la hae mme a hlalosa ka moo ECP e bapetseng karolo ya bohlokwa ho mo thusa ho fihlela sepheo sa hae dithutong. Pale ya hae e ile ya ama batho ba teng, mme ya ba kgopotso e matla ya seabo sa lenaneo lena. Kopano ena e nnetefaditse boitlamo ba CUT ba ntshetsopela ya baithuti le bokgoni ba ECP bo tlang phethoho.



Katleho ya Thuto e Kopantsweng Le Mosebetsi

Sehlopha sa baithuti sa sehla sa 2024/2023 sa Thuto e Kopantsweng le Mosebetsi se feela se iphele maemong a hodimo, mme moithuti ka mong ya hlauweng o phethela lenaneo la hae ka kotleho. Katleho ena e babatsehang e bontsha boitelo, mamello, le maikemisetso a ho atleha indastering ya kamohelo ya baeti.

Dipaleng tsa kotleho tse hlalelletse:

- Paballo Lethetsa o ile a amohela kgetho ya boetapele, a fumana maemo a ho ba molebedi sebakeng seo a neng a behilwe ho sona.
- Lebohang Mokoena o amohetse mosebetsi dinaheng tsa matjhaba, a fumana monyetla o monate wa ho ya United States of America.
- Ntobizodwa, ya fumaneng maemo a hodimo a tshebetso dithutong moketeng wa Dikgau Tsa Thuto tsa Sekolo sa Hotele, o fumane monyetla wa ho sebetsa sebakeng se tummeng sa Saxon Hotel, Villas and Spa.
- Zalmia Heynse o iketseditse

Continued on next page ...



Mof Lebohang Mokoena: Hotele ya Sky Villa



Mof Zalmia Heynse: The Mount Nelson



Mof Sedikanelo Lebuso, Mong Thabiso Nkitseng (Morupelli wa WIL) le Mof Thabo Molloyi: Hippo Hollow.



Mof Ntombizodwa Ngcosane: Saxon Hotel, Villas and Spa

lebitso ka ho sebetsa ka bokgabane lefapheng la ditjhelete, mme a fuwa mosebetsi wa moshwelella hoteleng ya Mount Nelson.

Diphihlello tsena tsohle tsa motho ka mong, ha mmoho le katleho e kopanetsweng ya sehlopha sohle, ke bopaki bo supang boitsebelo le boitelo bo hlahiswang ke lenaneo la Thuto e Kopantsweng le Mosebetsi. Sekolo sa Hotele se motlotlo ho keteka diketsahalo tsena tse bohlokwa mme se labalabela ho bona talente ya baithuti bana e tlisa katleho.

STAFF SPOTLIGHT

Janice Solomons

Ike mme a motlotlo, mofumahadi le Seapehi. Leeto la ka le qadile Yunivesithing e Bohareng ya Thekenoloji e Bloemfontein, moo ke ileng ka phehella ka dithuto tsa Botsamaisi ba Kamohelo ya Baeti ka selemo sa 2001. Ha mosebetsi wa ka o tswela pele, ke ile ka nka sebetsa tikolohong ya Drakensburg le Franshoek, e tsejwang e le motsemoholo wa dijo Aforika Borwa. Ke sebeditse Graff Reinett kholeijeng ya Bohahlaodi ya Aforika Borwa, moo ke neng ke le morupelli wa Dijo le Dino. Leeto la ka la mosebetsi le ile la ntshidisa mawatlle ho ya United States, moo ke ileng ka fumana lengolo la Honours ho tswa Akhademing ya Amerika ya Kamohelo ya Baeti ha ntse ke phetha lenaneo la kwetliso. Hape nkile ka ba Moapehi e Moholo hoteleng ya Protea e Willow Lake Bloemfontein. Ha jwale, ke morupelli wa baithuti Sekolong sa Hotele se Yunivesithing e Bohareng ya Thekenoloji. Ke phethetse thuto ya ho pheha ya mahareng ho tswa akhademing ya Baapehi ya Ashburton e England.

Ho ruta baithuti ka bonono ba ho pheha ho a nhlabolla mme ho mpehile sehlohlolong sa mefuta ya moraorao ya dijo ka dilemo tse 14. Ke fumane lengolo la thuto la Masters ya Mahlale a Botsamaisi a Bohahlaudi le Kamohelo ya Baeti - ka dinaledi - selemong sa 2020. Ha jwale, ke ingodiseditse lengolo la thuto la PhD.



STAFF SPOTLIGHT

Grethé Muller

E sale ke labalabela ho ba titjhere. Empa, dintho di ile tsa fetoha nakong eo ke lemohang hore ke na le lerato la kamohelo ya baeti. Nakong eo, tabatabelo eo e ne e le kgolo ho feta ho ba titjhere. Ke ile ka kenya kopo Sekolong sa Hotele se neng se tsejwa ka Thekenikhone ya Foreisetata, mme ka mengwa kopanong ya dipotso Sekolong sa Kamohelo ya Baeti se hlwahlwa ka hare ho naha. Mme wa ka o ile a nthekele diapo tse ntle ka ho fetisisa, mme ka tla ke itokiseditse kopano eo e kgolo ya dipotso bophelong ba ka. Ke hlonngwe dipotso ke sehlopha babotsi – ke ne ke tshuhile empa ke ikemiseditse haholo. Kgabareng, ka tsebiswa hore ke amohetswe. Ke moo leeto la ka le qadileng ka teng ka lengolo la Dipoloma la Botsamaisi ba Kamohelo ya Baeti ka selemo sa 1997 (le phethetsweng ka selemo sa 2001). Ka mora moo, ka phethela lengolo la BTEch la Botsamaisi ba Kamohelo ya Baeti (ka selemo sa 2003) le la Thuto ya Ka Mora Sekolo (ka selemo sa 2004). Selemong sa ka sa ho qetela sa dithuto tsa Dipoloma, ke bile le monyetla wa ho ba Mothusi wa Morupelli moo ke neng ke thusa Seapehi Niemand. Ke teng moo lerato la ka la ho ruta le kgutlileng. Ka hona, ke ile ka tswela pele ka dithuto. Ka selemo sa 2002, ke ile ka amohela mosebetsi wa botitjhere sekolong sa banana sa St Michael's se Bloemfontein, mme ka la 01 Mphalane 2005, ka kgutlela CUT ke tlo ba Morupelli e monyenyanane. Seo e bile Lehlohonolo! Ka selemo sa 2006, ke ile ka ingodisetsa lengolo le thehilweng ho marangrang la Masters ya Thuto e Itshetlehileng Mathateng, ke le ngodisitse le Yunivesithi ya Aalborg e Denmark, ya ba ke le phethela ka 2008. Selemo sena ke sa ka sa bo 20 ke le CUT. Ke mohau ha ke bona ka moo modimo a nthehileng mme a etsa bonnete ba hore leeto la ka le ba ka moo a rerileng ka teng. Ntho e ntle ka ho fetisisa ke hore ke phetha thomo ya hae.



Obakeng Mholo

Ho Kofola Bokgabane Ka Pelo le Botjhaba

Obakeng Mholo ke setsebi sa ho pheha le ho amohela baeti, se nang le dilemo tse 15 se sebetse dikitjhining tsa maemo a hodimo tsa Aforika Borwa le Botjhaba bo Mahareng (Middle East). Jwalo ka Seapehi sa Tshebetso Yunivesithing e Bohareng ya Thekenoloji, Foreisetata, ha a ikarabelle feela boapehing ba dijo, empa hape le ho betleng diaphehi tsa ka moso ka ho fana ka boelets, boqapi, le kwetliso e bapileng le indaseteri. Mosebetsi wa hae o qadile ha e ne e le moithuti a tholang dinaledi dithutong tsa hae Sekolong sa Hotele CUT, mme a rala motheo wa mokgwa oo a o sebedisang dijong - e leng wa ho kopanya bokgabane le pale ya setso.

Matla a Obakeng a ikgethileng a itshetlehile tsebong ya hae ya ho tliša mofuthu le boitshwaro ka kitjhining, mme o tswaka poleiti ka nngwe ka bonnete le morero. Ha a ne a sebetse Ntlong ya Naha e Schoone Oordt, o ile a kenya letsoho ntlafatsong ya phihlelo ya ho ja hwa baeti, a okametse ofisi e ka hare le ka ntle ka boqhetseke. Boetapele ba hae bo thehilwe boikokobetsong, bohlaeng ba maikutlo, le tlhomphong e tebileng ya bokgoni ba dijo ba ho hokahanya batho. O na le tjantjello ya dijo tsa Aforika tse nang le motswako wa sekwalejwale, mme hangata o sebedisa dinoko tsa lehae le mekgwa e tsitsitseng mosebetsing wa hae. Obakeng, ya tsebahalang ka boitshwaro ba hae bo kgutsitseng le maemo a tsepameng, ke lentswe le matla dithutong tsa mopheho le kwetliso ya banna - moo a kgothatsang baapehi ba batjha dilemong hore ba phehelle ka bokgabane le botshepehi. Moo a etellang pele tshebetso, a fana ka phihlelo e kgabane ya ho ja, kapa a ruta baithuti, menyabuketso ya Obakeng e a bonahala: ke ho

phahamisa bonono ba ho pheha dijo tsa Aforika, sejana ka seng – seapehi ka seng ka nako.am humbled at how God moulded me and ensured that my path worked out as He intended it. The best of it all – I get to do



Katleho e Monate: Tjhokolete ya Barry Callebaut e Etela Sekolo sa Hotele



Ka la 13 Hlakubele 2025, Sekolo sa Hotele se bile le monyetla o motle wa ho amohela Chantal Molnar e le morupelli wa moeti ho tswa Akhademing ya Tjhokolete e tummeng le Tjhokolete ya Callebaut. Thuto ya hae e ne e tsepamisitse maikutlo bononong ba ho futhumatsa tjhokolete, ho bopa, le ho foroma. Sena se file baithuti boiphihlelo ba sebele ba ho sebedisa tjhokolete ya mantlha lefatsheng.

Thupello ena e ne e hlabolla e bile e kgothatsa, mme e dumella baithuti ho tebisa kutlwisiso ya bona ya mosebetsi wa tjhokolete ha ntse ba ntlafatsa tsebo ya bona. Tsebo ya Chantal le lerato la hae la tjhokolete di a makatsa, mme di tsosolosa bonono le lethabo ho diapehi tse nang le tjheseho.

Ketelo ena e ne e le kgopotso e monate e bohlokwa ka tshedisanommoho ya indaseteri ntlafatsong ya thuto ya rona ya mopheho.

Ho Bopa Baetapele ba Kamoso: Tshusumetso ya Barupellwa Ba CATHSSETA Sekolong Sa Hotele


Sekolo sa Hotele CUT se tswela pele ho ba setsi sa bokgabane thutong ya kamohelo ya baeti ka hara Foreisetata, ka ho kopanya thuto ya kgopolo le boiphihlelo bo sebetsang. Kabelo e kgolo katlehong ena ke lenaneo la CATHSSETA la kwetliso ya baithuti le tsamaiswang ke kantoro ya Thuto e Kopantsweng le Mosebetsi (WIL). Boikitlaetso bona bo fa baithuti tsebo ya mosebetsi le monyetla wa ho sebetsa indastering hore ba atlehe lekaleng le fetofetohang la kamohelo ya baeti.

Barupellwa ba tswa dibakeng tse fapaneng – ba bang ke baithuti ba mehleng, ha ba bang e le ba fihlang mme ba na le tjheseho ya ho qala mosebetsi. Bongata ba bona ba kgahlisitse ka tsela e makatsang mme ba fuwa mosebetsi wa moshwelella. “Ha ho bobebe ho jara dithuto tsa ka tsa moraorao le kwetliso, empa ke fumane tsebo ya bohlokwa, haholoholo ho sebetsa tlasa kgatello le ho laola tjhelete ka boikarabelo.” Lenaneo lena le kenyelletsa barupellwa ba tswang makaleng a amanang, jwalo ka Tsamaiso ya Kgwebo, le Tsamaiso ya Kantoro, mme ba kenya letsoho mafapheng a kang a Tshebetso, Tsamaiso, le Theko. Seabo sa bona se ntlafaditse tshebetso le ho tliša tjhebo e ntjha sehlopheng.

Ntlha e ka sehlohlolong ka kwetliso ena ke tsamaiso ya mabenkele a mabedi a khempase. Barupellwa ba ikarabella nthong tsohle, ho tloha ditshebeletsong tsa bareki le tlhophiso ya dijo, ho ya taolong ya thepa le tsamaiso ya ditjhelete. Pihlelo ena ya sebele ha e ahe boitshepo feela, empa e rala motheo bakeng sa dikgwebo tsa kamoso.

Kgabareng, barupellwa ba thuto ya ho bapatsa ba fumane boiphihlelo ba sebele ba ho bapatsa ka dijithale le ho laola diketsahalo, mme sena se tjhorisitse tsebo ya bona ya ho laola nako, ho etsa mesebetsi e mengata, le ho mamella – haholoholo nakong ya diketsahalo tse tlišang kgatello e matla nakong e kgutshwane.

Bakwetliswa bana ke seipone sa bopaki bo bontshang boitlamo ba Sekolo sa Hotele ba boeletsi, thuto e sebetsang, le kgolo mosebetsing. Ha ba tswela pele ka leeto la bona, ha ba ahe bokamoso ba indasteri ya kamohelo ya baeti, empa ba ntlafatsa bohlokwa le tsebo e tla ba tswela molemo dilemong tse tlang.



Kabo ya Dikgau tsa Hwetla: Keteko ya Katleho

Sekolo sa Hotele CUT se ketekile ka motlotlo dikatleho tsa thuto ya baithuti le basebetsi ba bona ka la 24 Hlakubele 2024 nakong ya mokete wa kabo ya mangolo a thuto. Ketsahalo ena e bile ya bohlokwa ho ba bangata ba abetsweng mangolo a thuto mekgahlelong e fapaneng lekaleng la Botsamaisi ba Kamohelo ya Baetsi.

Palo e ka bang:

- Dipoloma tse 35
- 1 Dipoloma ya lehae
- Dipoloma tsa Qhobelopele tse 8
- Dipoloma tse 8 tsa Thuto ya Moraorao

Di abetswe tsatsing leo – e nngwe le enngwe ke bopaki ba mosebetsi o thata, mamello le bokgabane dithutong.

Re motlotlo haholo ho ananela basebetsi ba rona ba babedi mabapi le katleho ya bona e babatsehang:

- Mofumahatsana Lize Louw (Motsamaisi wa ECP), le
- Mofumahatsana Reitumentse Mofokeng, eo e leng Motlatsi wa Morupelli. Bobedi bona bo fumane mangolo a thuto ya moraorao Lekaleng la Botsamaisi le Kamohelo ya Baeti.

Ho feta moo, Monghadi Xolani Dube eo e leng morupelli Sekolong sa Hotele, o fumane Dipoloma tsa Thuto ya Moraorao lekaleng la Bolaodi ba Ditjhelete tsa Setjhaba ho tswa yunivesithing ya Stellenbosch – sena se matlafatsa thuto ya sehlopha sa rona. Ruri e bile letsatsi le hopolehang, le tletseng motlotlo, lethabo, le tshepiso ya bokamoso bo tjhabileng bakeng sa baithuti bohle ba rona.



Baithuti ba Lefapha la Botsamaisi le Kamohelo ya Baeti mmoho le barupelli. Basebetsi: Mof Lize Louw le Mof Reitumetse Mofokeng. Basebetsi: Mof Reitumentse Mofokeng, Mong Xolani Dube le Mof Lize Louw

Phahamiso Ya Maemo: Diaphehi di Qhobela pele

Ba babedi ba rona, e leng Seapehi Obakeng Mholo le Seapehi Tristin Rogers, ba ntlafaditse mosebetsi wa bona wa ho pheha ka ho nka karolo letotong la pele la Foreisetata lenaneong la QCTO la Rekoto ya Thuto ya Pele ya Mosebetsi wa Matsoho ya lenaneo la diaphehi. Boikitlaetso bona ba maemo a hodimo, bo hlahisitswe ke Setsi sa Dijo le Dino se Bloemfontein.

Ho tloha ka Mphalane 2024, Diaphehi tsena di ile tsa fuwa nako e boima ya kgwedi tse tsheletseng hore ba bokelle dipotefolio tsa bona le ho itokisetša diteko tsa matsoho le tse ngolwang. Ka Pherekong 2025, ba ne ba se ba bontshitse katleho, boiphihlelo le tsebo ya bona ya ho pheha ka tlasa kgatello.

Re motlotlo haholo ho phatlalatsa hore bobedi bona, bo phethile mangolo a bona a Tshebetso ya Boapehi ka dinaledi - e leng bopaki ba nnete ba bokgoni ba bona, boinehelo, le lerato la bona la bonono ba ho pheha.

Katleho ya bona ke kgopotso ya hore thuto ha e tsfallwe, le ho ba fanang ka yona. Re a le bohela diaphehi Obakeng le Tristin – katleho ya lona e a kgothatsa!



Dikgau Tsa Bokgabane Tsa Motlatsa Tjhanselara ka 2025 – Lekala la Mahlale a

Dikgau tsa Bokgabane tsa Motlatsa Tjhanselara tsa Lekala la Mahlale a Botsamaisi di ketekile katleho e kgahlang ya baithuti le mosebetsi ho ya ka mekgahlelo e fapaneng. Mokete ona o totobaditse boitelo, talente le mosebetsi o boima o bontshang boitlamo mabapi le tshebetso e gabane.

Lefapha la Botsamaisi ba Kamohelo ya Baeti le nkile dikgau tse latelang tse pedi:

- Mofumahatsana Louw o tlotluwe e le Moithuti a Maleba wa Thuto ya Moraorao ka 2024 mabapi le mosebetsi le boitelo bo tswileng matsoho dithutong.
- Mofumahatsana Sefojane o fumane boemo ba boraro mokgahlelong wa Moithuti wa Selema sa Pele a Maleba ka 2024 mabapi le ho bontsha tshepiso le boitelo leetong la dithuto tsa hae.

Diphihlelo tsena ke sesupo sa maemo a phahameng a Sekolo sa Hotele le katleho ya sona morerong wa ntlafatso ya bokamoso ba baetapele indastering ya kamohelo ya baeti le botsamaisi.



Senepeng: Mof Louw (Moithuti a Maleba wa Thuto ya Moraorao ka 2024) le Mof Sefojane (Moithuti wa Selema sa Pele a Maleba ka 2024). **Senepeng:** Mof Louw le Motlatsa Tjhanselara, Prof Pamela Dube, mmoho le Prof David Ngidi (Letsoho la Motlatsa Tjhanselara :Ho ruta/ithuta).

Boiphihlelo Ba Nnete: Baithuti ba Sekolo Sa Hotele Ba Ipabotse Mocketeng Wa Tlotlo Ya Bana Ba Matriki

Lefapha la Thuto le tshwere mokete o tlotlang baithuti ba sehlopha sa leshome ka la 17 Pherekgong 2025. Mokete ona o tshwaretsweng Yunivesithing e Bohareng ya Thekenoloji, Foreistata, o ne o tlotla barutwana ba porofense ba ipabotseng dithutong tsa bona. Ba bileng teng moo ke barutwana, matitjhere, le bahlomphehi ba tlo ketekang boitelo le bokgabane ba thuto.

Sekolo sa Hotele CUT se bile motlotlo wa ho fana ka ditshebeletso tsa dijo mocketeng ona wa maemo, mme baithuti ba fumane monyetla wa ho bontsha tsebo ya ho pheha le ho amohela baeti. Baithuti ba boetse ba bontsha bokgabane, bonono, le tshebedisano mmoho ho tloha moralong wa lenane la dijo, ho ya phanong ya ditshebeletso.

Jwalo ka mphato mokete ona, Sekolo sa Hotele se thehile boitlamo ba sona ba ho tshehetsa katleho dithutong le ho hlohlelletsa boiphihlelo ba baithuthi bo ba lokisetsang indaseteri ya kamohelo ya baeti.



Tinare ya Dingaka (Dokthorandi): Tlotlo Ya Bokgabane ka Kamohelo Ya Baeti

Mokete wa dikapeso wa Thlakubele 2025 Yunivesithing e Bohareng ya Thekenoloji, Foreistata, e bile ketsahalo ya beke kaofela moo ho ketekwang katleho dithutong, mme Sekolo sa Hotele CUT se bile le seabo sa ho fana ka ditshebeletso tsa dijo.

Motsotso o ka sehloohong e bile mokete wa tinare ya ho tlotla baithuti ba abetsweng lengolo la bongaka (Phd) o tshwaretsweng Sekolong sa Hotele ka la 27 Hlakubele 2025. Bosiu bona bo fane ka monyetla o sa lebaleheng baithuting ba thuto ya Botsamaisi ba Kamohelo ya Baeti, wa ho bontsha boqhetseke ba bona ba phano le tlhophiso ya dijo le dino.

Ho tloha lenaneng le kgahlang la dijo, ho ya phanong e makgethe ya ditshebeletso, moketse ona e bile sesupo se bontshang bokgoni ba Sekolo sa Hotele ba ho fana ka kwetliso ya boleng bo phahameng. Sena e ne e se keteko feela ya katleho dithutong, empa e bile motsotso wa ho fa baithuti monyetla wa ho fana ka tshebeletso tsa boemo bo phahameng.




Tlotlo ya Lefa: Mokete Wa Letsatsi La Tswalo La Sekolo Sa Eunice La bo 150

Sekolo se Phahameng sa Eunice se ketekile sehopotso sa tiholeho ya sona ya dilemo tse 150 ka la 15 le 16 Motsheanong 2025. Sehopotso sena se ketekilwe ka letoto la diketsahalo tse ikgethileng tse tshwaretsweng Sekolong sa Hotele CUT. Sena e bile mokete wa mantlha nalaneng ya Eunice ka ha sekolo sena se phahameng se ile sa sibollwa moahong wa Sekolo sa Hotele CUT.

Kamohelo ya maloko a Eunice sebakeng se thehileng metso ya bona, e bile motsotso o bontshang motlotlo le kgopolo. Sekolo sa Hotele CUT se ananetse ketsahalo ena ka bokgabane le kamohelo e mofuthu ya baeti, e nnetefatsang hore mokete ona ha o lebalehe.

Nakong ena, baithuti ba unne boiphihlelo ka ho kenya letsoho mererong le ditlhophisong tsa mokete ona, ha baeti bona ba natefetswe ke kamohelo e mofuthu ya sebaka se tlotlang letlotlo la Eunice.

Sena e ne e se sehopotso feela sa dilemo tse 150 tsa thuto ya maleba, empa e bile motsoto wa ho arolelana bohlokwa ba setso, boitelo, le ntshetsopele e ntseng e bonahala maboteng a moaho oo.



Ho Tataiswa Ke Mekaubere: Thupello E Nka Sebaka Restjurenteng Ya Solarium

Ka hare ho moaho wa restjhurente ya Solarium ho na le motswako wa boitelo, boiphihlelo, le morero. Sebaka sena sa diphetoho se tataiswa ke Mofumahatsana Faith Maliehe - eo e leng moithuti wa mehleng wa Sekolo sa Hotele CUT, mmoho le Seapehi Tristin Rogers - eo e leng setsebi sa Mopheho se hahlautseng mafatshe. Mmoho, bobedi bona bo fana ka sebaka sa thuto moo baithuti ba selemo sa pele ba lekala la Botsamaisi ba Kamohelo ya Baeti, ba tholang boiphihlelo bo bohlokwa ba tshebetso ya dijo le dino.

Sebaka sena se buletswe maloko a CUT le setjhaba ka kakaretso, mme ke moo batho ba ikgathollang ka dijo tse monate. E boetse e ba phaposi ya boithutelo moo bokgoni bo thehwang, boitshepo bo hodiswang, le bokamoso bo simollang.

Etela restjhurente ya Solarium o tlo ithabisa ka dijo tse mathemalodi, mme o be le seabo leetong le betlang ditsebi tsa ka moso tsa kamohelo ya baeti.



Katoloso ya Horaesene: Sekolo Sa Hotele Se Theha Maqhama Le Polasi Ya Diphoofole E Bitswang Sepelong

Sekolo sa Hotele CUT se motlotlo ho phatlalatsa tshebedisano e ntjha le Polasi ya Diphoofole e bitswang Sepelong. Polasi ena ke ya Monghadi Victor Marumo mme e tholahlala pela Theunissen. Tshebedisano ena e thabisang, e thakgotswe ka ho tekenwa ha Tokomane Ya Kutlwano (MoU) e bontsha qaleho ya leeto le arolelanwang la ntshetsopele ya setjhaba le tsebo.

Polasi ena e ikemiseditse ho matlafatsa setjhaba sa Thenuissen le batho bohle ba dulang seterekeng sa Lejweleputswa. Ka tshebedisano le Sekolo sa Hotele CUT, polasi e tla fana ka ditshebetso tsa dithuto tse kgutshwane, tse reretsweng kwetliso le pulo ya menyetla ya mosebetsi lekaleng la kamohelo ya baeti le bohahlaudi.

Morero ona o bontsha boinehelo ba Sekolo sa Hotele ba ho atolosa menyabuketso ya sona le ho hlohlletsa kgolo ya thuto metseng ya mahae.



Ditlha tsa puisano

Ngk. Dalene Crowther, Hlooho ya Lefapha e tshwereng Mokobobo



Imeili: dcrowthe@cut.ac.za



Facebook: Hotel School CUT



Moh: 051 507 3234



Instagram: hotelschoolcutbfn

micros[®]
OPERA



RASA | RESTAURANT ASSOCIATION
OF SOUTH AFRICA

